

BONERIANO

“
Kabei
blanku ta
símbolo di
behes, no di
sabiduria

BONERIANO

EDITOR:
Bonaire Communication Services N.V.

Djammers 16 Yanüari 2024 | Preis: \$1.25

SUPERVISHON SKÈRPI

Salida di solo na Kòrsou



Nicole Chirino, kende a traha i biba den pasado na Boneiru, ta gusta naturalesa. El a realisá hopi kaminata riba e isla aki. Awor ku e ta biba na Kòrsou e ta sigui naturalesa. El a saka e bunita salida di solo aki djadumingu durante un kaminata den área di Samí.



Base establecé pa mas kas pagabel PAG13

NAPA BONAIRE

**BO UNIKO STOP, PA TUR
BO PIESA I TIRE PA BO
AUTO, BUS OF TRUCK**

KAYA CARLOS A. NICOLAAS | 717-6272

2X Double Points Tuesday!

ALL DAY EVERY TUESDAY!
Earn Double Points on your Club Card

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO CASINO

[www cityshopbonaire.com](http://cityshopbonaire.com)

[f](#) City Shop Bonaire

[whatsapp](#) +599 700.6442

[phone](#) +599 717.3666

City Shop
Smart shopping • Better living

Pa bo informashon

Pa: Robert Domacassé

**Algun dia pasá algu persona a aserká mi ku pregunta si mi ta kontra STINAPA, òf nos naturalesa. Dor algun krittika ku mi a hiba den direkshon di STINAPA riba mi plataforma di Facebook i tambe a sali den medianan sosial.

Laga mi pone mi klarifikashon. Mi ta kere den nos naturalesa i tambe den e maneho pa

protehá nos naturalesa i su ambiente, pasobra mi sa su importansia.

Un kos ta sigur ku ami ta keda krittiko, pasobra ami ta kere ku nos isla su naturalesa ta demasiado protehá ku nos hendenan.

Personalmente mi ta kere ku no ta tur konseho nos Gobièrnu mester aseptá di STINAPA ku tin e maneho protekshon i konseho di nos medioambiente.

Nuebe luna pasá

STINAPA a laga kita ku arogansia i poder un pida tapeit na e pir di dòkter ku supuestamente no ta kuadra den ambiente. Ku mes un rapides ku a bin kita e tapeit, kon karaho no laga drecha e pir segun reglanan ambiental ku hopi hende ta hasi uso di dje tur dia. E peliger ku un hende por kòrta bou di su pianan ku herunan ku ta sali for di pir kibrá. Tur dia tin uso di

e pir akí pa pir flotante pa praktiká deporte akuátiko, òf pa sosialisá.

Mi krittika no ta pa

ranka kibra i tampoko no nesesiamente mi tin tur rason. E ta mi punto di

bista.



Lu a risibí bishita

KRALENDIJK – Lucia Coffie a risibí bishita di su hendenan na Kas di Kuido Boneiru di Fundashon Mariadal ku semper e ta puntra konstantemente pa nan.

Nan tabata di bishita na

Boneiru i no por a keda sin pasa pa saludá Lu, alaves despedí di dje, pasobra nan tabata ruta pa kas bèk.

Famia Peter i esposa Mercera, danki pa a bishitá nos Luluchi.



Pronóstiko di tempu pa Boneiru

Djaluna 15 te Djamars 16 Yanüari 2024
Prinsipalmente awe algun áwaseru

Tin periodo ku solo i prinsipalmente awe lo tin algun áwaseru. E temperatura máksimo lo ta aproksimadamente 31°C, e temperatura mínimo mas o ménos 25°C. Bientu for di direkshon ost ta inisialmente moderá te basta fuerte, forsa 4 te 5, mas lat awe i mañan de bes en kuando fuerte, forsa 6.

Altura di ola: aproksimadamente 2.0 m, ku lo oumentá te 2.5-3.0 m (5-7 pia, oumento te 7-9 pia)

* Altura di ola válido pa laman grandi



Tokante pèrmit ambiental

SUPERVISHON SKÈRPI

KRALENDIJK – Debí na e echo ku e maneho di pèrmit, supervishon i mantenshon di òrdu ta faya, prinsipalmente na Boneiru, Inspekshon di Ambiente di Bida (ILT) ta haña un enkargo fuerte pa dunamentu di pèrmit ambiental i mantenshon di lei riba ehkushon. Pwes nan ta haña hopi di bisa den e área aki. Básikamente esaki ta enserá ku Boneiru ta pèrdè pida outoridat riba e tereno aki.

Via un regulashon ministerial, ámtenarnan di ILT enkargá ku supervishon i ehkushon di e lei Vrom BES, enkargá na e kolegionan ehkutivo di Karibe Hulandes, ta haña enkargo èkstra. Esaki

Sekretario di Estado di Infrastruktura i Maneho di awa, Heijnen, ta skirbi Tweede Kamer ayera den un reakshon riba un rapòrt anteriormente devastador di ILT tokante e práktika VTH riba e islanan.

E mandatario a disidí adelantando riba e aselerashon di mehorashon struktural pa aktua, pasobra e situashon aktual no ta duna protekshon sufisiente na naturalesa i medioambiente.

E siguiente paso?

E rapòrt ku a sali for di yüni aña pasá a detektá entre otro ku e entidatnan públiko ta muchu chikitu pa organisá un sistema di VHT adekuá i mantené esaki den operashon.

Esaki tabata un motibu importante di tur e defisiensianan konstatá.

ILT ta hasi kuater rekomendashon na Gobièrnu di Reino i e entidatnan públiko, pa logra mehorashon di ehkushon di tareanan di VTH relashoná ku konstrukshon, medioambiente i naturalesa. Primeramente pone ehkushon di e tareanan di VTH mas rápido posibel pa konstrukshon, medioambiente i naturalesa di e tres entidatnan públiko bou di un servisho ambiental eksistente na Hulanda. Di e forma ei ta garantisá konosementu, eksperensia i kontinuidat i ta realisá ku gobernashon

ta keda na un distansia.

Tambe mester atendé i dirigí e puntonan problemátiko den e organisashon atministrativo di e entidatnan públiko rápido, den estrecho kordinashon ku e servisho ambiental. Ta asina pues ku e entidat públiko lo keda ehkutatá un parti di e proseso di VTH i pèrkurá pa legislashon i regulashon aktual i adekuado pa konstrukshon, medioambiente i

naturalesa i por último fortalecé posishon di Representante di Reino, di manera ku e por intervení ora kos bai robes ku ehkushon di e tareanan di VTH.

E rapòrt devastador i e proseder di minister ta konosí pero ainda no ta bon kla kon e gobièrnu aktual ta bai atendé e situashon. Sí, por konkluí ku e situashon aktual por duna nan e posibilidat pa profundisá den e rapòrt i e rekomendashonnan.

Bòrchi ta sòru pa konfushon

KRALENDIJK- E bòrchi na entrada di Kaya Kabikuchi ta sòru pa konfushon serka shofùrnan. E bòrchi ta indiká ku ta trata di un kaminda destiná pa tráfiiko di 1 direkshon, pero e posishon di bòrchi no ta mustra

bon kla e sitio konserní. No por komprondé sí e ta konta pa e lugá di parker di e supermerkado òf ta bòrchi di tráfiiko dirigí riba Kaya Kabikuchi. Mester mensioná ku e ta dirigí asta riba Kaya Korona.



Uní den tristesa

KRALENDIJK- Apesar di sirkunstansianan doloroso ta bunita mira forsa di union. Riba e potrèt por mira rumannan di Eddy Melaan, tokadó di kitara ta sua di Eddy i Robert Sances komo subrino, ku a dediká vários kansion durante e entierro.



Tene nos playanan limpi

Jona Chirino ta opservá:

“Mester tuma akshon korekto”

KRALENDIJK - “Mester hasi refleksyon propio pa tuma e akshon korekto”, tabata palabranan di konsehal Jona Chirino-Felida. Den e último simannan tin basta konmoshon den komunidad i den arena polítiko kousa pa e konflikto entre Fundashon Mariadal (FM) i Clark Abraham. Tur kos ta indiká ku por lo pronto e kapitulo aki no ta será. Remarkabel ta e echo ku koalishon básikamente no ta tuma un posishon fiho pa ku e situashon, miéntras oposishon

ta trahando duru pa mantené e atenshon riba e situashon fèrfelu aki.

Sinembargo Chirino-Felida a keda ketu durante e konmoshon i no a sali den publisidat. “Mi tabata opservá. Analisá i evaluá e situashon ku kabes friu sin emoshon”, el a bisa BONERIANO. Segun e konsehal ta un echo ku e impreshon di falta di integridat ta perhudiká interes di Boneiru den sierto negosiashonnan. Remarkabel ta ku hopi hende ta reakshoná emoshonal i ta hasi polítika ku e situashon.

Bagatelisando e gravedat di e situashon, segun e konsehal. “E bèrdat ta simpel, komo diputado di ekonomia i finansa bo ta envolví den un situashon ku por konsiderá komo estafa. No solamente e gobièrnu di reino pero tambe invershonistanan no ta konfia bo. Esaki sigur no ta sirbi e interes general di Boneiru”, e ta sigui splika.

E konsehal no ke amplia mas tokante e tópiko pero tin tur indikashon ku e ta tuma e asunto aki hopi na serio. Sigur BONERIANO

lo sigui e desaroyonan durante e siguinte reunion públiko. Un kos ta sigur, pa Chirino-Felida no por atendé e

situashon komo algu priva di Abraham. “Bo por tin 2 pèchi bisti. Pero nan ta riba 1 kabes si.”

Mas kompania rekonosé

Blue Classroom Freediving awor ta un kompania rekonosé pa duna guia na studiante. Un bunita oportunitat pa studiantenan di e estudionan di deporte i moveshon, ku tin gana pa siña otronan i nan mes free-dive i biba un estilo di bida mas saludabel. E dosente di edukashon akí sigur lo hasi su bèst pa motivá e studiantenan.



16 di Yanüari 2024

“No wak su aparenzia ...”
(cf 1 Samuel 16,7a)

Ora Dios kier a konsagrá un rei nobo pa su pueblo, El a manda profeta Samuel pa konsagrá un di e yunan di Ishai. Samuel, siendo profeta tambe tabata inkliná pa fiha riba aparenzia, p’esei Señor a bis’é: “No wak su aparenzia ...!” I Dios a skohe e kudadó di bestia, esun mas chikí, esun menospresia pa hende. (cf 1 Sam 16,8ss)

Enbèrdat, “Dios ta skohe loke mundu ta konsiderá inferior i ta menospresia ... pa bergonsa esnan poderoso.” (cf 1 Kor 1,27) P’esei Samuel a salta tur e rumannan mas grandi i di aparenzia mas fuerte, pa skohe David. I “for di e dia ku Samuel a konsagrá David komo rei, Spiritu a yena David.” (cf 1 Sam 16,13b) No keda asombrá si awe bo sinti ku Dios su bista ta fihá riba abo tambe pa kualkier mishon òf trabou ... pasobra “pa Dios nada ta imposibel.” (cf Lukas 18,27)



Danki Señor, pa yena mi ku bo Spiritu i hasi mi sensibel pa bo mahestat den mi.

1L 1 Samuel 16,1-13; Salmo 89,20-22.27-28;
Ev. Marko 2,23-28



005999-522-4056



Un Snechil Pan



unsnechilpan

Bo tin un tep pa nos? Whatsapp BONERIANO na +599 795-8482

Gezaghebber Oleana na bríndis pa habri aña

Boneiru un sosiedat multi kultural

KRALENDIJK – komprehshon i toleransia pa otro. Aña pasá nos komunidat a sigui krese i yega un kantidat di 25 mil habitante.” Esaki ta palabra di Gezaghebber interino, Nolly Oleana, na okashon di bríndis pa habri aña.

E diferente Aña 2023 ku ta tras nashonalidat presente, ta tipifiká e kara kolorido i nos poblashon. Un sosiedat multi kultural kaminda tin rèspèt,

2023. Den 2023 a skohe e miembronan di Konseho Insular pa e periodo di gobernashon di 2023 te ku 2027, a parti diferente prosèsverbal i a kita un kantidat grandi di reibeweis pa manehá outo bou di influensia di alkohòl.

Na 2023, e isla a bira mas sushi prinsipalmente a lo largu di kareteranan sekundario. A a tuma lugá un manifestashon grandi pa logra oumento di suèldu mínimo, despues di un lucha ku a dura 13 aña.

Den 2023 frontera ku Venezuela a habri atrobe pa barku di fruta i e kantidat di pasahero na aeropuerto a sigui krese. A asfaltá mas kaya i a yega na un dil ku Hulanda pa konstruí mas kas pagabel pa nos siudadanonan lokal.

Den 2023 mas hende lokal a tuma inisiativa pa kuminsá ku nan propio negoshi i mas persona a inskribí pa un estudio na MBO. E ramonan di deporte a oumentá. Ehèmpel di esaki ta e deporte di hockey

Tambe den 2023 preisnan a sigui subi. A kumpra plantashi Fontein bèk. Un aña 2023 kargá ku aktividat positivo i ménos positivo.

Oleana: “Pa loke ta aña 2024, mi mensahe ta siguiente. Famia mester keda e núkleo sentral di nos sosiedat kaminda ta eduká, stima, koregí i krea siudadanonan ehemplar kaminda ta tene debido kuenta ku esnan enfermo, nos grandinan i esnan ku un forma di limitashon. Tatanan i mamanan mester demostrá na tur momento nan outoridat i

koregí komportashon no deseá i stimulá rèspèt. Tur siudadano mester haña oportunidat pa desaroyá su talentonan pa asina e por aportá na un komunidat harmonioso.”

Oleana a sigui bisa, siña i instruí kada miembro di famia, bisiña i bishitante, pa tene nos isla limpi i bunita. No hasi manera ta sosodé awor akí kaminda ku ta kometiendo un atentado kontra nos ekosistema. Sushi na tur momento i okashon mester keda depositá den baki di sushi, òf na e sitionan destiná pa tira sushi. Benta sushi den kurá di kas, pafó di kurá di kas, kantu di kaminda, òf den buraku di greis, ta un krímen kontra nos naturalesa i ekosistema.

Ban yuda otro progresá i no kai den negativismo. Negativismo ta un blòki di chumbu ku lo stroba nos di bai dilanti. Ban

deskargá e mente i pensamentunan negativo ku ta un estorbo i krea un klima positivo pa un desaroyo personal optimal.

Ku un mente habrí i positivo nos lo surpasá tur kontra tempu i krea un base sólido pa futuro. Ku un mente habrí i akitut positivo, nos por atendé ku mas firmesa tur reto ku ta nos dilanti. Stòp di pensa chikí i ban krea kadenanan komersial fuerte pa krea un ekonomia sostenibel, segun Oleana.

I, Oleana a konkluí, no lubidá ku naturalesa, Kultura, trankilidat i seguridat, mester keda nos pilánan ekonómiko sólido. Na henter pueblo, un felis aña 2024, kaminda mester tin progreso pa un i tur. I esei ta posibel sí un i tur uni forsa i keda positivo. Un bon aña.

KARGA E BANDERA DI AMOR

“... I su bandera ofer di mi ta amor.” Kantika di Salomon 2:4(BS)
 “... SEÑOR ta Mi Bandera;” Eksodo 17:15(BS)

Ora atletanan bai partisipá den eksterior, nan ta karga e bandera di Bonaire ku amor, representando nos dushi isla. Kargando e bandera e atleta ta demostrá ku el a komprometé su mes pa representá su pais ku dignidat i rèspèt. Komo kreyente nos tambe mester karga e Bandera di Amor ku dignidat i rèspèt. Ken ta e Bandera di Amor? Hesus Kende ta Dios, E ta Amor (1 Juan 4:7-12).

1 Korintionan 13 den Tèstament Nobo, ta un kapitulo spesifikamente dediká na Amor. Wak e akitut i karakter di Amor di Hesus:

1. Amor [Hesus] tin pasenshi, amor [Hesus] ta kariñoso i no ta yalurs; amor [Hesus] no ta gaba, i no ta arogante, (4)
2. e [Hesus] no ta komportá su mes indesente; e [Hesus] no ta buska su propio interes, e [Hesus] no ta wòrdu proboká, e [Hesus] no ta warda renkor, (5)
3. e [Hesus] no ta regosihá den inhustisia, ma ta regosihá den e bèrdat; (6)
4. tur kos e [Hesus] ta tapa, tur kos e [Hesus] ta kere, tur kos e [Hesus] ta spera, tur kos e [Hesus] ta soportá. (7)

Nos a mira kon Hesus Su akitut i karakter ta pa ku amor; awor remplasá Hesus Su nòmber pa bo mes nòmber. Ups ... bo amor tambe por kubri tur loke Hesus ta kubri? Den nos mes forsa nos no por, ma ku Hesus komo nos Yudadó nos por!

Bo ta skohe awe pa karga e Bandera di Amor?

Gilda Beukenboom-Sintjago
Produkshon PGM

Bonaire Hydrotest Maintenance

ta buska

1 Cylinder Technician

Pa mas info yama # **782-2953**



No tin pashènt ku Covid den hospital

K R A L E N D I J K
-- Aktualmente na Boneiru no a hospitalisá ningun pashènt ku Covid-19. Asina dòkter Michael Mercuur, hefe di Departamento di Salubridat Públiko, a duna di konosé. Na BonLab i na e laboratorio di Fundashon Mariadal, no tin un oumento di infekshon respiratorio, manera Covid-19. Serka e dòkternan di kas tampoko. Nos ta den

kontakto estrecho ku nan, segun deklarashon di Mercuur. Na Boneiru no tin persona den hospital tampoko pa motibu di grip. Na Aruba i Kòrsou tin hopi pashènt den hòspital ku Covid-19 òf grip. Pa e motibu akí hendenan na Boneiru ta puntra nan mes kon e situashon ta na Boneiru. Nos situashon ta favorabel, pero nos tin ku tene kuenta ku esaki por kambia. Prinsipalmente

pa motibu ku tin hopi tráfiiko entre Boneiru, Aruba i Kòrsou, segun Mercuur. Tin hende ku por bira gravemente malu sí nan haña grip òf Covid-19. Ta trata di hende grandi i hende ku tin un malesa ku no ta kura. Por ehèmpel hende ku diabétis, malesa di pulmon, malesa kardiovaskular i pashènt ku kanser. E konseho na e hendenan akí ta pa bai pasa e angua

kontra Corona. Esaki por ku sita djaweps di 10'or di mainta pa 12'or di mèrdia na Departamento di Salubridat Públiko na Kaya Betico Croes 24. Por traha sita via e number grátis 0800-0800.

Hende ku tin un salú débil, por pasa e angua di grip serka nan dòkter di kas. Un persona ku tin keho manera kentura, tosamentu i keho di nanishi i garganta, por

sòru pa no kontagiá otro hende. Ta importante pa tene distansia, ventilá tur espasio bon, laba man regularmente i tosa, òf nister, den èlebog. Sí e kehonan ta bira mas serio rápidamente i un hende ta haña difikultat pa hala rosea, òf ta bira konfundí, e persona akí mester bai Huisartsenpost mesora. Òf e tin ku bai ayudo di emergensia.

Entrante 1 di yanüari 2024, tur trahadó na Boneiru nan sueldo minimo a bira Usd.9.06 pa ora i si bo ta gana pa luna e ta Usd. 1570 trahando full time, esta 40 ora pa siman. Antó entrante 1 di yüli di 2024 e montantenan aki lo ta Usd. 10.09 pa ora i Usd. 1750 pa luna. E montantenan aki mester aparesé riba bo slep di salario, algu ku por sierto tambe ta obligatorio pa lei. Tambe trahadónan mester paga bon tinu ku nan no mester paga belasten riba e montantenan aki ku nan ta risibí. Pues nan mester risibí e montantenan aki nèto den nan man òf riba nan kuenta na banko. Hopi ta puntra kiko ta pasa ku e trahadónan ku tabata gana te ku 31 di dèzèmber 2023 entre Usd. 1236 pa luna i e Usd 1570. Por ehèmpel un trahadó, laga nos yamé Juancho tabata gana 31 di dèzèmber 2023 e sueldo minimo, esta Usd. 1236 pa luna. Su kompañera di trabou, laga nos yamé Sara tabata gana 31 di dèzèmber Usd. 1480 pa luna. Pues un diferensha di Usd.

Nòchi Willem, konsehero di Union Sindikal Boneriano, USIBO

Sindikalismo na Boneiru(2)



244 entre Juancho i Sara Wèl komo liña sindikal sigur den USIBO nos a hiba dos pensamentu na mesa di negosashon na e kompanianan kaminda trahadónan ta organisá den sindikato, nan ta:

Tur salario mester ser drechá na e altura di sueldo minimo legal, esta tur salario mester ta poné na Usd. 1570 pa luna. Pues tantu Juancho komo Sara su salario ta drecha i bira Usd. 1570. Pero pa por mantené e diferensha ku tabata eksistí entre Sara i Juancho salario di Sara tin ku subi mas.

E diferensha ku tin entre e sueldo minimo bieu, esta Usd. 1236 i e loke realmente e persona ta gana, den e ehèmpel Usd. 1480 pa luna mester bin bèk den e kas salarial nobo. Pues mester tene kuenta ku e trahadó su karera ku ela hasi te promé ku a pasa e lei di sueldo minimo nobo. Antó e karera ei ekspresá den salario basá entre otro riba su prestashon positivo, su añanan di

servisio i/o kualkier otro motibu e no mag ni por pèrdè esaki. I e forma mas hustu pa regla esaki ta ku ta oumentá e salario no solamente te na e sueldo minimo nobo, sino ta bin un oumento èkstra ku un montante fiho ku ta hasi hustisia na e diferensha ku tabatin promé ku a oumentá e sueldo minimo. Pues den nos ehèmpel, despues ku a pone e sueldo di tantu Juancho i Sara na e nivel di sueldo minimo, Sara lo mester risibí e diferensha ku tabata eksistí kaba entre su sueldo i esun di Juancho promé ku a bin ku e sueldo minimo nobo.

E método aki ya kaba a keda apliká sigur den dos kompania, miéntras ku a rekomendá tur otro kompania ku tin ku paga sueldo minimo pa konsiderá e mesun sistemátika. Kaminda tin kompania ku no tin trahadó ku ta kai bou di sueldo minimo nan lo por apliká un otro sistema kaminda ta korigí e kas salarial i traha ku

porsentahe ku esnan den e skalnan mas abou ta bai risibí den futuro a base di porsentahe un oumento mas haltu ku esnan ku ta kai den skal haltu. Asina aki ta logra ku e diferensha den salario ta keda den un forma rasonabel. Pa nos por logra e sistema aki riba henter e merkado laboral, un biaha mas ta sali na kla, kon importante ta pa e klase trahadó ta uní i organisá den un sindikato. Individualmente lo ta masha difisil pa den un forma husto atendé ku e situashon aki.

USIBO a hiba kònbersashon serio ku Kolegio Ehekutivo enkuanto maneho pa loke ta asunto di preisnan aki na Boneiru. Bon kla a sali ku lo trata a base di diálogo yega na akuerdonan sólido ku importadónan relashoná ku preisnan di produktonan, sigur pa loke ta esnan di e makutu básiko. Un di e eksigensianan di parti sindikal ta ku gobièrno lo apliká e sistema di stipulá

e margen di ganashi tantu pa preisnan por mayor komo pa preisnan por detal. Esaki igual ku ta hasi ku produktonan derivá for di petroli. E sistema aki lei ta permití i ta duna no solamente gobièrnu, pero tambe e konsumidó un instrumento pa yuda den kontrolá ku no tin abuso di preis. Tambe a mustra gobièrnu riba e otro instrumentonan legal, miéntras ku e liña grandi ta pa gobièrnunan, tantu djaki komo di Ulanda traha huntu pa mantené nos gastunan abou. Un di e akshonnan ku mester haña prioridat i ku segun sindikalismo por keda introdusí e aña aki mes ainda ta transporte públiko. Nos tin entendí ku e proyekto ta kla pa por ser ehekutá. Pues meskos ku ta traha pa bin supsidio pa kasnan den sektor privá ku lo benefisiá e doño di kasnan tambe, ban hasi esun di transporte públiko ku ta akapará henter pueblo. Un akshon den kuadro di e propio programa di koalishon, esta un gobernashon hustu pa pueblo.

Aseptashon pa proseso di klima

KRALENDIJK – E proseso di klima ku habitantenan di Boneiru huntu ku Greenpeace ta hibando kontra Estado Hulandes, ta haña aseptashon di Kolegio pa Derecho Humano. Riba su website, e organisashon ta amplia tokante e banda di derecho humano di e keho kaminda Gobièrnu ta tuma muchu tiki paso pa protehá Boneiru kontra e konsekuensianan di kambio di klima.

Kambio di klima i efekto

Koral ta muri, laman ta subi, ta bira ketu bai mas kayente i sí e emishon di CO2 mundial no baha, un sinku parti di Boneiru ta menasá di dispersé. Hulanda mester protehá hende kontra e influensia negativo di kambio di klima. No ta kita unda nan ta biba, sea ta Hulanda Europeo, òf Karibe Hulandes.

Greenpeace i ocho habitante di Boneiru ta keha Hulanda dilanti Hues. E organisashon ta indiká kua ta e efektonan di kambio di klima tin riba derecho humano i kua e obligashon Hulanda tin.

Kambio di klima tin un influensia negativo riba e derecho di un ambiente di biba limpi, salú i duradero, e derecho di biba i riba protekshon di esfera di bida personal. P’esei Gobièrnu ta obligá pa protehá su siudadanonan kontra e efektonan negativo di kambio di klima.

Tambe sí no ta sigur sí rísiko di kambio di klima lo realisá su mes, Gobièrnu ta obligá pa tuma medida preventivo. Gobièrnu den prinsipio mes por disidí kua medida e ta tuma, tanten esaki ta rasonabel i adekuá.

E derecho riba un ambiente di biba limpi, salú i duradero, ta toka nos tur. Sinembargo, sierto hende ta keda mas fuerte afektá ku otro. Derecho humano ta eksigí ku en partikular atenshon pa hendenan den posishonnan vulnerabel.

Pobresa

E derecho riba no deskriminashon ta enserá ku Gobièrnu mester hasi esfuerso pa atendé ku desigualdat, pa asina tur hende pa hasi uso di nan derechonan. P’esei Gobièrnu mester tene

kuenta ku hendenan den un posishon vulnerabel. Gobièrnu por ehèmpel mester evitá ku hendenan no por paga medidanan kontra kambio di klima, dor di kua nan ta resultá den pobresa.

Por ehèmpel pasobra ta obligá nan pa muda pasobra laman ta subi, miéntras nan no tin sèn pa muda i konstrukshon di un bida nobo na un sitio nobo. Òf pasobra nan mester paga pa drecha nan kas despues di daño di awa. Tambe hendenan por resultá den pobresa sí turista no ta bini mas e isla pa snòrkel, pasobra hopi koral a muri, òf pasobra a bira muchu kayente.

Mas resolushon

E konseho di derecho humano di Nashonnan Uní a tuma diferente resolushon den kua ta stipulá ku kambio di klima tin influensia negativo riba derecho humano i Estado tin e obligashon pa protehá derecho humano i e promoshon kontra kambio di klima i protehá su siudadanonan kontra efekto negativo i kambio di klima.

Pues, Estado Hulandes ta responsabel pa stipulá un maneho riba e tereno di kambio di klima i huntu ku esaki mester garantisá e derecho fundamental di su siudadanonan. Esaki ta konfirmá dor di Korte Supremo den e veredikto di Urgenda.

‘Comply or explain’

Desde 2012 Karibe Hulandes ta kai tambe bou di mandato di e kolegio di derecho humano. E prinsipio di igualdat for di artíkulo 1 di e konstitushon, ta konta tambe pa Karibe hulandes. E punto di salida ta ku en prinsipio tur regulashon Hulandes mester konta pa Karibe Hulandes.

Sí Gobièrnu desvia for di esaki, mester tin un meta legítimo pa esaki i Gobièrnu mester por duna motibu rasonabel i ophetivo, ‘comply or explain’. Tratadonan manera e tratado Europeo pa derecho humano, sin falta mester konta pa Karibe Hulandes.

Área vulnerabel

E konseho

internashonal di konseho, den su rapòrt di 2020 a konkluí ku e konsekuensianan di kambio di klima ta un menasa grandi pa e bienestar di siudadanonan den e parti Karibense di Reino. E parti Karibense di Reino dor di esaki ta hopi mas vulnerabel ku e parti Europeo di Reino. E region, segun estudionan resien di siguridat di klima, te asta ta konta te esun mas vulnerabel na mundu.

Isla disparsiendo

For di un investigashon di Vrije Universiteit na 2022, riba enkargo di Greenpeace Hulanda, a sali na kla ku Boneiru ta vulnerabel pa efektonan dañino di kambio di klima. Habitantenan di Boneiru ta kore rísiko grandi dor di subida di superfisie di laman, e oumento di kayente i morto di koral. For di e rapòrt, a resultá tambe dor ku e emishon mundialmente no ta kada bahá hopi, e sinku parti di Boneiru ta menasá di bai pèrdí.

èxtra
...number 1
www.extrabonaire.com

Mario's Holding B.V.
ta buska
1 Assistent manager - 1 Bartender
-mester tin 2 aña di eksperensia
Por manda CV na:
macaroca.madeirarestaurant@gmail.com
òf por yama 717-4688 entre 11:30-3'or atardi.



BIDA SALÚ

Despues di un siglo di investigashon finalmente a solushoná e misterio

Dikon urina ta hel

KRALENDIJK -- Dikon e urina ta hel, ta parse un pregunta hopi simpel, pero solamente e siman akí a haña e kontesta. Investigadónan Merikano a deskubrí ku un enzima, produsí pa bakterianan den tripa, ta responsabel pa e koló hel.

E deskubrimentu di e enzima akí, yamá 'bilirubin reductasa', ta habri e kaminda pa futuro investigashon riba e ròl di e mikrobioma di tripa, e miónes di bakteria, vírus i fungu, ku ta biba huntu den su sistema gastrointestinal i posibel tratamentunan nobo pa malesa manera inflamashon na tripa.

E malesa mas konosí, ta malesa di politisá i

ulserá. Na Hulanda, un di kada 200 persona ta sufri di un di e transformashon invisibel i hopi bia ta bai huntu ku e malesa akí.

Mihó tratamentu

Asina e splikashon di urina hel por kontribuí na un mihó tratamentu di urina hel. E deskubrimentu di e enzima akí finalmente a resolvé e misterio tras di e koló hel di e urina, investigadó prinsipal, Brantley Hall, di Universidat di Maryland ta bisa. "Ta fasinante ku e orígen di un fenómeno biológiko asina diario no a keda kla pa asina hopi tempu."

Pero sientífikonan por splika esaki perfekto

awor. Sí e sélulanen kòrá di sanger desintegrá despues di mas o ménos seis luna, ta produsí un sustansia di pigmentu hel briante yamá 'bilirubin', komo un supprodukto.

E 'bilirubin akí ta sekreto den e tripa, despues di kua e ta bayendo pa e salida, pero mientrastantu parti di e koló akí ta apsolbé pa e kurpa. Sí e sanger apsolbé demasiado 'bilirubin', e por kousa iritashon. Esaki ta un fenómeno den kua kurpa i wowo ta bira hel. Pero afortunadamente, vários habitante di e tripa mikrobiano por konvertí e 'bilirubin' akí den otro supstansianan.

Misterio antiguo

Bakterianan den tripa ta produsí e enzima 'bilirubin', ku ta konvertí 'bilirubin' den e supprodukto kolorido, biólogo Hall ta splika. E supstansia robilinógeno despues ta deskomponé spontaneamente i ta bira un molekular yamá 'urobilin', cu ta e supstansia ku ta hasi ku e urina tin koló hel ku nos

tur sa asina bon. Sientífikonan sa pa algun tempu ku 'urobilina' ta responsabel pa e koló hel, pero e deskubrimentu di e enzima mikrobiana ta hasi kla kon por haña e supstansia hel akí den e urina, un pregunta ku sientífikonan a deskonsertá pa mas di un siglo.



Programanan di Bonaire.tv

TELBO kanal 70
Flamingo TV kanal 23

Djamar 16 Yanüari 2024

12.00 Herensia:	Raimunda Martis
13.00 Aki Boneiru:	Dillon Rannou
14.00 Herensia:	Donisio (Buchi) Emerenciana & Dionisia Emerenciana (Ohochi)
15.00 BAPA:	Rafael de Cuba
16.00 Aktualidat:	Studiantenan di Universidat Utrecht
17.00 Aki Boneiru:	Anselmo Sint Jago
18.00 Herensia:	Nilda Conquet-Martijn
19.00 BAPA:	DJ Marvin
20.00 Herensia:	Hubert (Lio) Booi (Musika Aruba)
21.00 Aki Aruba:	Kenneth (Django) Simmons
22.00 Herensia:	Julia Jacintha Dorothea-Eusenia
23.30 Puerto Latino:	Luis Zárraga

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



BONERIANO

EDITOR: Bonaire Communication Services N.V. Djaweps 11 mei 2023 | Preis: \$1.25

AMTENAR NO TIN RESTRIKSHON

PA MANIFESTÁ

Pa aviso i komunikado den Extra/BONERIANO

Redakshon:
extrabon@gmail.com

Aviso:
avisobon@gmail.com

Pa mas informashon por yama nos libramente na 717-8482

BONERIANO e korant mas lesá aki na Boneiru!

PA TUR DO
PIESA I TIRE
PA BO AUTO,
BUS OF TRUCK

MAPA

CARD

OBERSJON
BONAIRE

WILM CARLOSIA BOUTER | 717-8482

Tur rehen trahadó di prizòn lagá liber

K R A L E N D I J K / ECUADOR -- Na Ecuador tur personal penitensiaro ku prizoneronan tabatin rehen, a keda liberá. Tur 136 miembro di personal tabata pa e prizoneronan for di djaluna.

E rehennan a keda detené den diferente prizòn den e pais. Un total di 178 empleado tabata envolví, algun di nan ya a keda liberá.

E motin di prizòn a kuminsá poko despues ku e presidente Ekuatoriano a deklará estado di emergensia i a desplegó e ehérsito kontra e bandanan kriminal di e pais. Ademas un plan pa traha prizònnan

sigur adishonal pa lidernan di gèn, a faya.

E prizoneronan a baha nan rabia riba e personal di prizòn. Enfrentamentu den un prizòn den e provinsia di El Oro a mata un wardadó di prezu.

Durante dianan no tabata kla kiko ta e situashon den prizòn. Video a sirkulo riba retnan sosial ku supuestamente ta muestra detenido siendo ekstremadamente abusá, tirá i horká. E outentisidat di e videonan akí no a keda konfirmá.

No ta konosí kon e prizoneronan por a haña kontròl. Sinembargo, ta kla ku e sistema penitensiaro

na Ecuador ta luchando ku falta di personal. Segun presidente Daniel Noboa, su atministrashon ta trahando riba reforma pa kontrolá e situashon den prizòn.

Ecuador tin problema pa hopi tempu. Siman pasá hòmbèrnan armá a tuma un planta di televishon over pa muestra kon poderoso nan ta. Vários periodista i otro personal a keda tumá komo rehen. Despues di un ora i mei, polis a pone fin na e okupashon. A arestá 13 persona.

Na òktober a tira e kandidato presidencial, Fernando Villavicencio, mata. El a primintí di pone un fin na violensia i

korupshon.

Tráfiko di droga ta un di e kousa prinsipal di disturbio na Ecuador. Komo un stashon intermedio pa e eksportashon di kokaina

di Sur Amérika pa Merka i Europa, ta hunga un ròl importante den tráfiko di droga. E gènnan ta gana miónes.

Junior ranger sertifiká

K R A L E N D I J K -- Junior Ranger di STINAPA, Jonathan van Meerten i Sebastiaan Baptiste,

a kompletá nan treinen na VIP Diving i awor ta sertifiká komo PADI Digital Underwater Photographers.

E sambuyadónan

akí a siña tur loke tin di aber ku e téknikanan di fotografia bou di laman, ku a resultá den kalidat di imágen haltu di e bida bou di laman.

STINAPA ta gradisí e instruktor boluntario, Aja Radl, pa kondusí e kurso.



Desde promé di april

Mihó protekshon di naturalesa i medioambiente

K R A L E N D I J K -- Ku introdukshon di e desishon di aktividat BES, IAB BES, e burakunan den e aktual lei i regulashon na Boneiru, Sint Eustatius i Saba, ta será i por protehá naturalesa i medioambiente efektivamente, entre otro

desaroyo di konstrukshon i empresa na midí. Esaki Sekretario di Estado di infrastruktura i maneho di awa, Heijnen, ta kontestá riba preguntanan por eskrito ku Partij voor de Dieren a hasi mei aña pasá, tokante e pèrmitnan, supervishon i

maneho di mantenshon di lei na Boneiru, na entre otro Chogogo Resort i Oasis. Sinembargo, riba petishon di e Kolegio Ehekutivo nobo di Boneiru, Heijnan a posponé e introdukshon di e IAB BES te promé di april.



Promé Minister Rutte preokupá

Kandidat di mandatario ku a bandoná Gabinete ineksplikabel

DEN HAAG -- Promé Minister Mark Rutte ta preokupá pa e kandidat grandi mandatario ku e bandoná su gabinete. “Mi ta analisá esaki kaso pa kaso i semper mi ta haña esaki hopi ineksplikabel,” e ta bisa den kontesta na e anunsio di e siman ku a pasa ku Minister di Salú Públiko Kuipers a bandoná e gabinete.

Kuipers ta e di kuater miembro di Gabinete ku ta bandoná despues di e kaida di Gabinete Rutte IV. E tabata despues di Minister Hoekstra di Asuntunan Eksterior, Sekretario di Estado Uslu di Kultura i Minister Kaag di finansa.

Rutte ta kere ku ta naturalmente un lástima ku su ekipo no ta keda intakto te ora un gabinete nobo ta formá, pero e ta indiká ku Hoekstra, awor Komisario Europeo i Kaag awor enviado di Nashonnan Uní pa rekonstruí Gaza, a risibí posishonnan

internashonal outorisá. “Nos ta kere ku esei ta importante,” e ta bisa. Nos ta solamente orguyoso di esei.

Rutte ta konsiderá tambe ku Uslu su regreso na e empresa familiar Corendon, ta bon defendé for di e punto di bista di interes di e empresa. E no ta bisa nada di Kuipers. No ta kla ainda ki puesto e minister saliente di VWS lo haña.

Rutte no ta preokupá ku e imágen ku ta evoká e kandidat grandi di abandono. “Den tur e añanan ku mi tabata den política, mi a purba di laga e imágen i wak kiko ta pasando realmente. I si bo por splika bon kaso pa kaso, anto bo tin ku atendé ku esei.”

Segun Rutte, esaki ta funshoná hopi bon internamente. Nos tin un ekipo grandi di hende bon entrená i esei ta nifiká ku nan por keda remplasá internamente. E baile di e stul no tin konsekuensia pa goberná Hulanda.

Otro miembronan di

Gabinete ta kritiká un poko mas e salida adelantá di nan kolega. Minister de Jonge ta kere ku e ta pertenesé realmente na e tarea ku bo tambe ta hasi i kumpli ku e tarea den

su totalidat. Pero e no ke husga konsiderashonnan personal.

E sekretario di estado di mina, Vijlbrief, ta kere ku ta partikularmente desafortuná ku su kolega

di partido Kuipers a bandoná komo e di tres miembro di D66 den poko tempu. “Mi mes lo a hasi esaki diferente, pero el a skohe esaki i kada kaso ta diferente.”



Koleganan di bishita serka Djo Mercelina

KRALENDIJK -- Kas di Kuido Boneiru di Fundashon Mariadal tabatin bishita serka Djo Mercelina di su koleganan. Nan a pasa pa saludá Djo i pone atenshon un ratu na dje. Hopi kontentu Djo a bira ora el a mira su koleganan Gerrit Wanner, Franklin Scherptong, Stanley Leonora i Salamon ‘Monchin’ Flanders.



Popularidat ta relativo
P'esei un propio estilo
No solamente pa ta eksitoso
Sino sigur mas balioso

Brò KèS 93.5 FM

pokopoko pero sigur mas i mas hende ta ...

Skuch'è

Telefon/ WhatsApp +599 701 0935

www.radio935bonaire.com



PADI Fish ID Divers

KRALENDIJK – na VIP Diving i awor ta Junior ranger di STINAPA, Silke te Velthuis, Charlson ‘Sontje’ Alberto, Andres Valle i Jorge Lopez, a kompletá nan treinen na VIP Diving i awor ta sertifiká komo PADI Fish ID divers. Danki na boluntario Sue O'Brien, STINAPA ta apresia.

Dos buseo bunita na Sebastians Reef, identifikando 52 diferente spesie, inkluso bishita di un chuchu.



NOS A TOPA

Prome persona ku mi a topa den 2024, ta Carmita di 90 aña. Nos a topa na Korsou na Hato. Carmita ta bibitu bibitu, yen di alegria positivo. E ta bon konosi di mi mama i Helena Janga. Ta su hendenan di Playa, asina mi a tende ta bisa. El a bisa mi, e si konose mi bon, komo sakadó di potret, pero mi a bise mi no por kordé. El a bisa mi awor e ta disfruta di bida i ta pidi señor bon salú, bida i forsa pa kontinua. " Mi no ta desea nada di kosnan di mundu, pasobra nan no ta yuda ku nada. Mi ta biba ku fe pasobra Señor ta esun ku ta guia bo kaminda. Bo por desea kiko ku bo ke, alfinal loke Dios ke ta pasa. Mi yunan ku mi tin na Cocari ta yama mi mamí, anto nan ta bisa, Mamí ta dushi. Mi gusta mashá or nan yama mi asina. Falta algu mas ku 1 luna pa mi hasi 91 aña."

Carmita ta di Rincon parti sùit. bubita pa tende di un persona di 90 aña, kon e ta mira bida awendia. Ta mama di e konosido pintor Nochi Coffie.



Vèncchi Isebia no tei mas

Pa: Josefina Trinidad

**Vèncchi Isebia, na Pasadia Villa Antonia mi a konos’é. Aya mi a topa kuné pa promé biá. Rekuerdonan prèt nos a keda kuné di Vèncchi. kada un ku e pas, konsuelo i konformidat i semper keda rekordá nos Vèncchi su bunita rekuerdonan ku a keda atras.

Vèncchi no tei mas huntu ku nos. El a a bai nos dilanti. E tabata un ser úniko, papia sin bira rònt. Papia ku nòmber i fam. Na tur famia di Vèncchi, risibí mi profundo kondolensia den e tempu di rou akí. Señor fortalésé boso Drumi dushi Vèncchi.

E temporada ku mi por a eksperensia Vèncchi djaserka, sigur tabata un bon tempu. Un ser ku gusta hopi mes kompartí ku otro. Tur su kompañeronan tabatin algu pa bis’é.

Semper Vèncchi ora e yega su pasadia, ta pasa mesa pa mesa pa saludá, hopi sosial. Ora e ta konta su storianan anto ku e menshoná nòmber, mi ta bis’é, ta kos na tinu bo ta papia Vèncchi, su kontesta ta: “Puntra nan.”

Ora nos bis’é, duná mi e number pa nos bèl puntra, su kontestá ta: “Hòm, lástima tur a muri kaba. Mi so mester hari awor su piesanan.

Pa kolmo Vèncchi ta hasi aña 21 òktober meskos ku ami. Nos a yega di selebrá



Tene nos playanan limpi



èxtra
...number 1

www.extraboneiru.com

Palu di Pasku t'ei ainda

Temporada di Pasku ya a pasa, pero ta notabel ku e palu di Pasku na Aeropuerto Flamingo I su asesorianan t'ei ainda. Foto aki ta di 12 di yanüari 2024.



Kanando den Nort di Saliña ku Rudy i Stella A yega 20 programa interesante i importante

KRALENDIJK – Siman pasá djaweps FuHiKuBo a logra yega na e di binti grabashon di un seri di programa di televishon den kua ta pone atenshon na historia di Nort di Saliña – Kunuku Bieu. I ainda falta mas programa pa graba i pa pasa na televishon.

FuHiKuBo a realisá ku ta importante pa pone atenshon na kasnan di tempu bieu den barionan di Boneiru i ken a biba den nan. E idea pa kana den bario ku hendenan ku konosé ken a biba den kada kas ta hopi importante. Asina bo ta reskatá informashon balioso ku di otro manera lo a bai pèrdí pa semper.

Bòi Antoin, produktor i presentadó di e seri di programa aki, a splika: “Mi mester bisa ku e idea no a bini di mi mes, sino di Japi Oleana i Nel

Janga, ku algun aña pasá a kuminsá ta organisá tur aña riba dia promé di mei un kaminata den Rincon. Nan ta pasa dilanti diferente kas pa papia di e habitantenan di ántes.”

Antoin a haña e rumannan Rudy i Stella Mercera dispuesto pa hasi e programa aki huntu kuné. Djaweps a yega na grabashon di e di binti programa den kuadro di e seri, ku ta den e parti mas pa nort di e bario.

Antoin: “Di e binti grabashonnan aki ainda falta masoménos 5 pa 6 pa pasa na televishon. Nos ta sigui, pasobra mientrastantu nos lo sigui graba. Deseo ta pa hasi grabashonnan asina den otro bario tambe.”

E programanan ta pasa den e espasio di Herensia na Bonaire.tv, despues tambe na mas kanal.



Bòi Antoin huntu ku e rumannan Stella i Rudy Mercera durante grabashon di e di 20 programa spesial di Herensia den Nort di Saliña.



OPTENIBEL NA

Kuranderia popular



Natural i spiritual

Un proyekto di Unesco i FuHiKuBo



Ofisina di FuHiKuBo

Ofisina di Extra

Del Mar BV





Base establese pa mas kas pagabel

KRALENDIJK -- Den e último año a tuma pasonan grandi den realisashon di mas kas pagabel i pa hasi biba na Boneiru, Sint Eustatius i Saba, mas barata. Esaki ta sali na kla for di e promé rapòrt di progreso di e agènda di maneho di bibienda públiko i órden espasial, pa Karibe Hulandes, ku Sekretario di Estado Alexandra van Huffelen a manda djaluna pa Tweede Kamer.

E rapòrt di progreso 2023 ta mostra e desaroyonan pa kada isla, for di inisio di e implementashon di e agènda di maneho na komienso den 2023.

Mehorá e nivel di bida i kombati pobresa na Boneiru, Sint Eustatius i Saba, ta metanan importante pa Gobièrnu Sentral i Entidatnan Públiko di Boneiru, Sint Eustatius i Saba. Un kas pagabel ta un parti importante di un bon bida. Pa e motibu akí e partidonan ta komprometé nan mes huntu pa konstruí mas kas pagabel i pa baha e gastunan di bibienda pa persona ku tin entrada di mas abou. Un programa nobo di desaroyo espasial, ta protehá mihó tur loke ta bunita i úniko riba tera i laman.

Boneiru

Na Boneiru a firma un dil di bibienda nobo. Esaki ta bon pa un total di 2,125 kas nobo pagabel te ku 2030, di kua tin 445 den konstrukshon kaba. Ademas, a implementá

alivio di gastu di hür pa e sektor di hür sosial, un promedio di 265 dòler pa luna pa kas di famia i komo piloto pa e sektor di hür privá, un promedio di 445 dòler pa luna pa kada kas di famia. Tambe a ahustá e límite di liberalisashon di 750 dòler pa 937 dòler. Di e forma akí mas hürdó por hasi un apelashon na e komishon di hür den e sektor sosial i privá.

Gobièrnu Sentral ta pone 990 mil euro disponibel pa instalá entre otro pènel solar ku karga di bateria na 118 kas di hür sosial nobo di FCB.

Sint Eustatius

Na Sint Eustatius un akuerdo di intenshon pa traha kas sosial, ta duna guia na konstrukshon di 50 kas di hür sosial i renobashon di 100 kas di hür sosial. Ademas, a otorgá 399 mil dòler na supsidio di doño di kas pa redusí e aporte personal den e sektor di hür sosial.

Ta trata di alrededor 100 kas di famia den bibienda di hür sosial ku ta bai paga un promedio di 333 dòler ménos pa luna. Tambe ta investigá kon hende ku un entrada modesto ku ta obligá na hür kas privá, por haña derecho riba un supsidio di doño di kas.

Pa kombati pobresa di energia, Gobièrnu Sentral ta pone 450 mil euro disponibel pa redusí gastunan di energia. Ku esaki lo proveé kada kas di hür sosial ku 4 panel solar,

di manera ku e energia ku ta kolektá durante oranan di dia lo redusí direktamente e kuenta di energia di e hürdó.

Saba

Na Saba e firmamentu di un akuerdo di intenshon, ta pèrkurá pa entre otro e desaroyo di 50 kas di hür i kas di kompra pagabel. Ademas, a pone 1.2 mion euro disponibel pa konstrukshon aselerá di 18 kas di hür sosial dor di e korporashon di kas Bazalt Wonen den e proyekto Under the Hill-2. E kasnan akí lo ta kla den e promé kuartal di 2024.

Saba tin un tradishon fuerte di konstruí propio kas. Pero e gastunan pa trabou di preparashon ta hopi haltu i normalmente un hipotek, no ta kubri esaki. Pa e motibu akí ta bini un areglo insular kaminda por risibí un kontribushon pa finansiá e trabounan di preparashon ku ta nesario pa konstrukshon di un propio kas. Pensa riba trabou di ekskavashon i konstrukshon di un renbak, tanki séptiko i fundeshi.

E redukshon realisá di gastu di hür den sektor di hür sosial, ta suma na Saba un promedio di 158 dòler pa luna pa kas di famia. Pa kombati pobresa di energia, a pone 360 mil euro disponibel pa redusí gastu di bibienda. Di e manera akí ta entregá aparatonan doméstiko efisiente ku energia manera frizer, frishidèr i stof, na

personanan ku ménos entrada.

Base

E rapòrt di progreso 2023, ta mostra ku hopi kos a sosodé den e promé año di implementashon di e agènda di maneho di bibienda públiko i órden espasial pa Karibe Hulandes. E base ta kla, e ruta di contenido ta establese, e rekursonan finansiero ta disponibel i por organisá e kapasidat di implementashon.

Tambe tur hende por manda un reakshon riba hende.

e programa di desaroyo espasial di Karibe Hulandes te ku 15 di febrüari.

Na tur tres isla, a pone un montante di 408 mil dòler disponibel den fondo pa 'flexpool' pa fortalese e kapasidat di e aparato públiko riba e área di bibienda públiko i órden espasial. Na año 2024, e gabinete demisionario i e kolegionan ehekutivo di Boneiru, Sint Eustatius i Saba, ta sigui traha huntu riba bibienda pagabel i konfortabel pa mas i mas hende.

Beau van Erven Dorens ta anunsia

Rekoudashon di fondo pa 'Blue Defenders'

KRALENDIJK – E presentadó di televishon na Hulanda Beau van Erven Dorens ta komprometé su mes pa rekoudá fondo pa e proyektonan di Casper i Cora i nan tim i purba di pone atenshon riba esaki, pa asina entusiasma mas hende ku Blue Defenders i pa trata i kuida e bida bou di awa en general. E ta presentadó di televishon na RTL4 na Hulanda.

Beau van Erven Dorens: "Mi tin 53 año di edat i ta kasá ku Selly. Nos ta mayornan di kuater kabayero, Bram (22), Tijn (22), Bobbie (20) i Jan (18). Ora mi a bishitá Boneiru huntu ku Tijn i Bobbie dos año pasá, e bunitesa di e bida bou

di awa rondó di e isla a impreshoná mi. E tabata un eksperensia inkreibel, ora ku Casper i su ekipo a hiba nos na e mihó sitionan di buseo. Mi a haña esei mágiko. Tur kos ku tin di aber ku awa, landa, buseo, sùrf, nabegá, mi ta gusta."

Segun Beau, e ta loko ku tribon, dòlfein i turtuga, pero tambe di kolebra di laman i piská chikitu. "Mi por disfrutá hopi. Durante snòrkel òf buseo riba e koral, mi ta sinti un humildat enorme i tambe admirashon pa e naturalesa bunita aki. Si mi por kontribuí ku mi konosementu na un manera chikitu

Pa mas informashon: www.bluedefenders.org

Ministerie van Binnenlandse Zaken en Koninkrijksrelaties

Bibienda Públiko i Ordenamentu Espasial pa Hulanda Karibense

Bon fundamentu, oumentá stòk di bibienda i promové bibienda pagabel

	Bon fundamentu	Oumentá stòk di bibienda	Promové bibienda pagabel
Boneiru	Fortalesimtu kapasidat; \$408.000 disponibel na 2023 i 2024 pa fortalese kapasidat ofisial pa VRO na Boneiru	Dil di bibienda Boneiru; mas ku 2100 bibienda pagabel aserka te ku 2030	• Alivio di karga promedio pa kas di famia: sektor di hür sosial \$265 pa luna; sektor di hür privá \$445 pa luna • €990.000 pa pone e.o. panel solar ku almasena di bateria riba 118 bibienda di hür sosial nobo di FCB
Sint Eustatius	Fortalesimtu kapasidat; \$408.000 disponibel na 2023 i 2024 pa fortalese kapasidat ofisial pa VRO na Sint Eustatius	Karta di Intenshon Bibienda Sosial; konstrukshon di 50 bibienda di hür sosial, renobashon di 100 bibienda di hür sosial	• Alivio di karga promedio pa kas di famia: sektor di hür sosial \$332,50 pa luna • €450.000 disponibel pa rebaho di gastu di energia
Saba	Fortalesimtu kapasidat; \$408.000 disponibel na 2023 i 2024 pa fortalese kapasidat ofisial pa VRO na Saba	Karta di Intenshon VRO; konstrukshon di 50 bibienda pagabel	• Alivio di karga promedio pa kas di famia: sektor di hür sosial \$158 pa luna • €360.000 pa baha gastu di bibienda via suministro di aparato doméstiko ku uso efisiente di energia manera frishidèr, frizer i stof

Bibienda Públiko i Ordenamentu Espasial

Beau van Erven Dorens

Patron Blue Defenders

Dutch TV presenter, actor and writer



Kas i edifisionan di antaño (10)

Den un seri di artíkulo riba djamars BONERIANO ta dediká atenshon na e kasnan bieu di e isla aki, basá riba un estudio ku dr. Ank Klomp, antropólogo, a hasi masoméno 45 aña pasá. HET 'OUDE' BONAIRIAANSE WOONHUIS ta un estudio ku spesialmente awor ku e kas i edifisionan di antaño ta bou di menasa ta proba su importansia.

Dos piso

E kas ku muraya di piedra òf blòki di sèment, ku un dak di panchi, i di dos piso, tabata di e hendenan ku mas rekursu finansiero na Boneiru. Entre otro e doñonan di plantashi, hendenan di fishi i otro habitantenan di klase medio di e isla.

Práktikamente tur e kasnan di dos piso na Boneiru tabata situá na Playa, pasobra t'ei e shon i otro hende rikunan tabata biba. Pero tabatin algun eksepsjon. Na Nikiboko por ehèmpel tabatin un kas asina. Te ainda su ruina t'ei. E kasnan di plantashi di Bacuna, Yato Bako i Guatemala tambe ta di dos piso. Meskos ta e kaso ku e kas markante na e torno den plantashi Bolivia.

Por distinguí dos tipo di kas den e género di kasnan di dos piso. Un tipo tin e segundo piso riba henter superfisie di e kas, miéntras ku

un otro tin un segundo piso riba solamente parti di e superfisie. E último forma aki meresé atenshon spesial, komo ku ta trata aki di un tipo spesífikamente boneriano, ku kasi bo no ta topa riba e islanan Aruba i Kòrsou.

Manera indiká, e doñonan di plantashi di ántes tabata, banda di esaki, tambe negoshante. Den nan kasnan, riba e piso abou, tabatin tienda i magazein. Tin ainda un situashon asina, esta e kas di famia Soliana den Kaya Grandi, kaminda e famia ta biba ariba, miéntras ku abou ta tienda.

E kasnan di dos piso aki ta trahá di piedra natural. Pa Ank Klomp, den e periodo ku el a hasi su investigashon, ainda no tabatin kasonan konosí kaminda a traha e tipo di kasnan aki tambe di sèment. E flurnan tabata di tabla, sèment òf di moisako. E bentananan

tabata di palu, mayoria bes yalusí.

Otro tipo di kas

Banda di e tres tiponan di kas deskribí aki, na Boneiru tabatin tambe kasnan di tabla, anke no na un kantidat grandi. Un otro tipo di kas ta esnan di tabla batí ku bleki (lata) parti pafó.

Tambe tabatin algun kas ku, anke no bibienda, tabatin arkitektura interesante. Ta tata di edifisionan públiko ku ku Ank Klomp a konsiderá bale la pena pa protehá, manera un edifisio ku tabata fungi komo depósito den Kaya Kòrsou. E liña di heft tabata úniko. Pero mientrastantu e parti aki di e edifisio a disparsé. Un otro tabata e anterior tienda di Herrera Hermanos den Kaya Grandi. E edifisio aki si ta bon mantené ainda.

Den restorashon no ta bai djis pa e kas i edifisionan interesante,

sino tambe mester tene kuenta ku e besindario den kua nan ta situá. P'esei tambe mester inkluí kuránan bieu i muraya den e restorashon, pa asina nan tambe keda mantené.

Fuentenan ku Ank Klomp a konsultá ta mustra ku mayoria di e kasnan den estilo tradishonal na Boneiru ta konstruí den siglo pasá. Pero tin fuentenan ku ta indiká ku tin ainda basta edifisio na Boneiru ku ta konstruí for di den siglo 19.

Promé edifisionan

Un dje promé listanan di kas i edifisio na Boneiru ta di aña 1810. Riba e lista aki ta topa ku e siguiente deskripshon:

1 stro huis op Seroe Moreno

1 panne magazijn

1 stro huis op Fontein

1 dito daar de commandant in woont

1 dito daar de chirurgijn in woont

1 dito voor 't Hospitaal, zeer vervallen

1 dito daar de kapitein der slaven in woont voor 't Fort

Tin un lista tambe di aña 1824 ku e siguiente deskripshon di edifisio i kasnan di gobièrnu i nan balor patreas poné:

Het huis, Magazijn, Wagthuis in 't Fort (P. 2.000,--)

Een Magazijn aan de Rincond met pannendak (P. 1.500,--)

Een Huis naast het Fort waar den 1ste opzichter inwoont met pannendak (P. 800,--)

Een dito in het land waar de Chirurgijn inwoont met stroodak (P. 150,--)

Een dito waar de Chirurgijn ingewoond heeft, thans onbewoond (P. 30,--)

Een dito aan de Fontein op stutten met stroo bedekt (P. 30,--)

Een dito of Loots aan de oude zout Pan thans vereischt een nieuw Dak (P. 50,--)

E tempu ei un peso tabata bal masoméno fl.1,80.

Tambe tin un lista di 1828:

Het Huis in het Fort (fl.2,600,--)

Het magazijn op de Rinkon (fl.2.000,--)

Het huis bewoond door een chirurgijn (fl.200,--)


Het huis bestemd voor het hospitaal (fl.600,--)

De Huizen op de Fontein en zoutpan (fl.600,--)

MONCHI & TONCHI

Awendia ta tur hende ta kana ku bòter di hènstsanitaizer di alkohòl pa limpia man.

Awèl sí. Yen di hende ta kana rònt ku mannan stòm burachi.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com

aviso: avisobon@gmail.com

Wèpsait: www.extraboneiru.com

Facebook: Extra Boneiru

Direktor

Shirley Martis
785-3824
796-3824

Hefe di redakshon

Nathaly
Evertsz-Ipcedencia

Redakshon

Papi Antoin
Edson Pietersz
Ibi Piar (deporte)

Partner na Aruba

Awe Mainta
Partner na Kòrsou
Extra
Partner na Boneiru
Live99

Layout

Maya Beaumont

Konsehero:

Bòl Antoin
786-6818

Aviso

avisobon@gmail.com

DI DOS DJADUMINGU SIKLO B

Promé Lektura : 1 Samuel 3, 3-10. 19
Salmo : Salmo 40, 1, 3a, 6-7, 8-9
Di dos Lektura : 1 Korrintio 6, 13b-15a, 17-20
Evangelio : Huan 1, 35-42

Un señora a bisa di tin problema ku skuchamentu i kada biaha ku e reuni ku su amigunan e tabatin ku puntran ta di kiko nan tabata papia.

Un dia el a disidí di bai serka un spesialisista di oido pa hasi un tèt. E dòkter a bis'è ku e tabatin e aparatoman mas moderno pero ku e ta bai usa e medio tradishonal. El saka su oloshi for di saku i a puntr'è

si e tabata por skucha e "tik-tak" di e oloshi.

Sigur ku si, mi ta tende masha bon, el a kontestá.

E dòkter a alhá su mes un shete meter i atrobe el a puntr'è si e tabata tende e "tik-tak".

Sí ainda mi ta tende, el a kontestá.

E dòkter a sali di su ofisina i a puntr'è: I awor bo ta tende e tiktak?



8 konseho pa lektornan durante misa

Liturgia di Palabra ta un parti esensial di e Misa. Promé pa pasa pa Eukaristia ta proklamá e Palabra di Dios, ku riba djadumingu i solemnidatnan ta konsistí di dos lektura, un salmo responsorial i Evangelio.

Generalmente, laikonan ta esnan ku ta proklamá e lekturanan akí, pasobra e papel di lektor ta di gran importancia den misa p'asina ku tur fiel por skucha ku Dios ke bisa kada un di esnan presente atraves di e Skritura.

Ta pesei, ta importante lesa i proklamá e lekturanan bon. Tokante hopi sa di Ángel Manuel Pérez Vázquez, lokutor profeshonal, katóliko komprometí i profesor di lektura den Misa.

1.- Promé pa kuminsá ku e lektura, nos ta pone e mikrofón na un kuater (mas o ménos) di e boka.

2.- Nos ta lesa e lektura promé. Mihó dos biaha, un promé pa kiko e teksto ta bisa i un di dos ta pa fiha den e palabranan òf nòmbernan ku por resultá difisil pa nos. I hopi mihó les'è na bos altu.

3.- Ta desisivo kuminsá nos lektura di forma pousá, nunca ku purba. Asina e fielnan por sigui i ta haña sa di loke ta lesa.

4.- Pa ku nos por skucha i komprendé bon, tin importante dos kos: yena nos ku aire i di dos abri e bon p'asina ku nos por proyektá bos adekuadamente.

5.- Durante e lektura nos mester mantené e ilushon di ku nos ta fia nos pa na e Palabra di Dios i nos ta sirbi nos komunidad.

6.- Si nos kiboká nos ta para un instante i nos ta bolbe na bisa ku kalma. No pidi pordon.

7.- Silenshonan den nos lektura ta esensial. Pousanan ta laga e palabranan ta bria especialmente. Laga nos probechá pa respirá, i kasi sigur nos ta skucha nos.

8.- Ora nos ta terminá e lektura, spera algun sekònde i mirando e públiko ku sierto solemnidat:

PALABRA DI DIOS. Spera e kontesta i bo ta bai

Sí, leu, pero mi ta tend'è.

E dòkter a kai sinta dilanti e señora i a bis'è: Bo problema no ta di oído Bo problema ta di skucha. Abo no sa di skucha.

Dios no ta laga mensahe den "voice message" ni ta manda bo faks ni e-mail ni e no sa e number di bo selular pero Dios sa bo nòmber i ta yama bo na bo nòmber. Riba día di bo boutismo ela bisa bo: Fulan i tal, abo ta mi yu, Mi stimabo. I E ta sigui ta bisabo t'e ku día djawe.

Ya mi sa kiko bo ta pensando. Ami si konose ritmo i kanto i mi ta distingui bachata for di merengue i mi ta distingui e aksento di e aragon i e kasteyano i lo mi rekonose bo bos entre míles di bos, pero e bos di Dios, esaki si ku nò. Nunca nos a interkambiá palabra.

Dios no ta papia manera ami, pero E ta papia.

Dios no ta bati na porta di apartamento manera ami, pero E ta bati na porta di bo kurashon.

I t'asina ku Dios no ta na superfisie di kos, di palabra o di mirada, Dios ta den profundidat di bo bida i di bo ser. Einan bo tin ku haña su bos, su yamada i su amor. Den profundidat.

Dios a yama e hóben Samuel kuater biaha ora e tabata na soño. I komo e no tabata konosé bos di Dios el a bai serka Elí, e saserdote, i a bis'è:

"At'ami aki, Bo no a yama mi? Tabata e úniko bos ku e tabata konosé i e tabata ke pone su mes na su disposishon. Elí a dun'è e rekomendashon aki, si E bolbe yama bo, bo mester kontestá: "Papia Señor, bo sirbidó ta skucha".

Samuel a krese i Señor tabata kuné. I tur loke Señor a bis'è a bira realidat:"

Promé Konsigna. Laga Dios papia.

Dios sí ta papia i tur hende ta papia di Dios. No hoga ni silensia e bos di Dios ku bo èsküs, ku bo mentira, ku bo diskurso, ku bo pikánan.

Ta bèrdat ku tin biaha nos ta papia i papia pa stroba otro di papia? Nos no ta interesá den skucha su vershon. Hopi biaha nos ta tapa boka di Dios ku nos papiá, ku nos kumplimentu eksterno, ku nos orashon i rutinanan religioso.

No tapa boka di Dios. Lag'è papia.

Di dos Konsigna. Bai den silensio i skucha

Esun ku ta buska plaka konosé su bos i su koló. E ta sufri i lucha pa haña mas i mas.

Esun ku ta buska plaser i dibèrtishon konosé su bos, su kalor i sa unda hañ'è.

Esun ku tin un nesidat ta move shelu i tera te ora solushon'è.

Esun ku tin hamber di e Palabra de Dios, ta bai den silensio i ta skucha

Dios ku ta papia.

Papia, Señor, bo sirbidó ta skucha. Paga radio, televishon, músika... bai den silensio i buska den bo interior te ora bo haña e imágen i bos di Dios den bo profundidat.

Di tres Konsigna. Keda ku forsa

E yamada di Dios, talbes, ke kambia rumbo di bo bida.

Nan ta bisa ku e dos palabranan ku hende ke tende ta: mi stima bo i e ta benigno, (su kanser ta benigno). Keda ku forsa pa skucha e veredikto di Dios. E ta mas ku benigno, e ta fantástiko.

Di kuater Konsigna. Nesidat di mediashon

Nesidat di un guia spiritual. Samuel a laga Dios papia, el a skucha, el a obedesé Elí, su guia, el a obedesé Dios.

Den e evangelio, Huan Boutista ta e guia spiritual, e mediadó, esun ku ta señalá Dios. "Esaki ta e Lamchi di Dios". I su disipelnan a siguié, -kompromiso -; nan a mira - fe -; nan a keda -kontesta -; nan a kambia - -Simón-Pedro-.

Nos mishon: ta parti di e kadena di esnan yamá, ta konekshon entre hende un ku otro.

Skibi pa: Rutzen Lucas



notisiakatoliko@gmail.com

STATIA/SABA/ST. MAARTEN

URSM, DP, PFP i NOW a firma akuerdo di koalishon

PHILIPSBURG -- Unified Resilient St. Maarten Movement (URSM), Democratic Party (DP), Party for Progress (PFP) i Nation Opportunity Wealth NOW, oficialmente a firma un akuerdo históriko di koalishon pa 2024-2028



djasabra anochi, markando tambe e inisio di un era nobo di gobernashon kolektivo. E seremonia di firmamentu areuní lidernan i parlamentarionan eligi di kada partido polítiko, muestra un kompromiso ku unidat i progreso pa mehorashon di St. Maarten i su siudadano. E akuerdo di koalishon ta duna un bista integral pa e próksimo kuater añanan, enfokando riba temanan klave manera desaroyo ekonómiko, bienestar sosial i sostenibilidad ambiental.

Lidernan polítiko di USM, DP, PFP i NOW, a ekspresá nan entusiasmo pa e esfuerso kolaborativo, enfatisando e forsa ku ta bini di un enfoke unifiká. E gobièrnu di koalishon tin komo meta pa atendé ku e retonan, generá resiliensia i kapitalisá riba e oportunitatnan pa krea un futuro próspero i resiliente pa e isla.

“E koalishon akí ta un testimonio di nos kompromiso kompartí ku bienestar di St. Maarten i su hendenan. Huntu ku nos forsa i rekursanan, nos ta

kere ku nos por surpasá e retonan i impulsá nos isla pa un futuro mas briante.”

E evento di firmamentu a konta ku presensia di representantenan di diferente sektor, lidernan komunitario i siudadanonan ansioso, pa mira e momento históriko akí. E partnernan di e koalishon a ekspresá nan gratitut pa e apoyo abrumador risibí di e komunitat i a komprometé nan mes pa traha sin deskanso pa kumpli ku e promesanan establese den e akuerdo.

Silveria Jacobs:

“Mi ta tene mi kurason”

PHILIPBURG -- Promé Minister Silveria Jacobs ta ekspresá su preokupashon pa e stabilitat di e koalishon nobo i e futuro di Sint Maarten. “E partidonan di oposishon tin e nesensidat di keda for di gobièrnu, p’esei nos ta warda pa mira sí e koalishon nobo aki por resistié.”

Hasiendo esaki, Jacobs ta respondé na e resultadonan elektoral di 11 di yanüari, den kua su partido Nacional Alliance, huntu ku su sosio di koalishon, UPP, a perdé e mayoria den parlamento.

Awor e ta kai den e

partidonan di oposishon ku ocho asiento i e sorprendente gira den kua e iniciativa di Jacobs pa forma un gobièrnu nobo a kolèps, promé ku el a kuminsá bon.

Kurason

Den un entrevista eksklusivo ku Curaçao.nu Promé Minister Jacobs a ekspresá su sentimentunan riba e situashon polítiko aktual. “Tur kos ta keda hopi fresku, pero ta loke e ta. Nos ta mantené speransa i ta habrí pa koperashon.”

E promé minister

a reflehá tambe riba e desempeñu di su gobièrnu i e impakto di e resultadonan elektoral. “Mi tin mi kurason pa e hendenan di Sint Maarten, pasobra e stabilitat ku nos a trese, no tabata na ningun preis. E tabata nesensario despues di dies aña di bulamentu di kurá i kaida di gobièrnu i ku e último desaroyonan awor mi ta sinti ku nos ta kai den esei atrobe.”

E promé minister ta kere ku tin hopi hende insatisfecho, awor ku e dos partidonan mas grandi a keda marginalisá den e

elekshon. Nos lo mira kon e ta bai.”

Kombinashon

Segun Jacobs, hopi kombinashon di koalishon tabata posibel ku e resultado di djaweps. Na final, e kuater partidonan ta skohe e kombinashon ku ta mas vulnerabel. “Pa mi ta inkomprensibel ku un di e partidonan akí, URSM, ta afirmá di ta super integral, pero awor e kier uni ku otro partido ku personanan opviamente korupto.

E promé minister saliente ta referí na NOW, ku Christophe Emmanuel i Claudius Buncamper. E último a keda kondená na

2 aña i mei di prizòn pa korupshon.

Apesar di e retraso, Jacobs ta keda optimista riba futuro i su ròl den polítika. “Na final di dia, nos ta e partido mas grandi ku mas asiento. Sí nos keda den oposishon, nos lo hasi tur loke ta posibel pa sigui representá Sint Maarten na e nivel mas haltu posibel.”

Den su komentaronan final, Jacobs ta dirigí na e hendenan di Sint Maarten i nan koleganan den Reino. “Mi ta resa pa e hendenan di Sint Maarten pa no ta e paso atras mi ta mira. Pero den mi kurason mi ta hopi, pero hopi preokupá.”

(Fuente: Curaçao.nu)

Bon notisia

ORANJESTAD (EUX) -- Na komienso di aña nobo, ROA CN a bishitá Diputado Merkman, pa papia tokante e vínculo entre e programanan edukativo ofresé pa e institushonnan riba e isla i e merkado laboral na Statia i kon esaki ta sirbi e futuro di e isla.

E kombersashon a duna un bista mas amplio

di e pasonan ku Statia ta importansia di edukashon tumando den futuro i e komo pilá pa sosiedat.



ARUBA

Homber cu arma di candela buscando un dama

ORANJESTAD -- Diasabra merdia pasa di l'or varios patruya a bay un adres na Matadera, unda cu lo tin un persona cu arma di candela. Na yegada, manera ta den mayoria di e sorto di casonan aki, e persona a bay. Eynan e agentenan a cuminsa haya informacionnan adicional

di e persona cu e arma. Parce cu lo ta trata di un homber color blanco y lo a puntra pa 'X' persona cu ta biba eynan y alabes e testigo lo a mira un arma di candela. E homber lo a bandona e sitio den un auto color "blauw". Mesora patruya nan a cuminsa tira bista pa un auto color

blauw den e area debi cu no tin mucho informacion di esey. Daño lo a wordo cometi tambe n'e auto di e

habitante. Polis tin e caso serio aki di menasa bou investigacion, basa riba

declaracion di esnan cu a yama polis. Departamento tecnico di polis tambe a wordo poni na altura.



Muhe maltrata pa su pareha den Flacciusstraat

ORANJESTAD -- Diasabra anochi algo prome cu 10'or polis a bay den Flacciusstraat pa un pelea formal. Polis a yega na un adres conoci pa autoridad y a pidi pa ambulance debi cu un di e partidonan ta herida. Mientrastanto un otro patruya a bay tira a bista pa esun cu a bandona e sitio. Algun rato despues

ambulance a yega, pero ya no tawata necesario paso e mama mes lo hiba su yiu muhe Hospital. Algun rato despues ambulance a yega, pero ya no tawata necesario paso e mama mes lo hiba su yiu muhe Hospital. E adres lo ta uno cu polis varios biaha sa bay.

Polis a persigui homber cu a maltrata un muhe

ORANJESTAD -- Diasabra anochi pasa di 10'or polis a bay un lugar nocturno cerca di ex House of Cheng, pa un dama cu lo a wordo maltrata pa su pareha (ex). E dama lo a bay sconde aparentemente den e un lugar nocturno

eybanda. Polis yegando e sitio a wordo notifica den cua auto e homber lo a bay y ta topa e auto ariba caminda. E auto lo no a para pa polis y a start un persecucion cortico. E auto lo a bay su mesun adres cu ta Bubali y eynan polis a

detene, unda cu den un rato transportwagen a yega y a hib'e warda di Shaba unda e lo splica ta kico tur a pasa. Pa locual t'e dama, no tin informacion di con serio e homber lo por a maltrat'e.



Dos persona herida den accidente na Boegoeroei

ORANJESTAD -- Diasabra atardi rond di 3'or polis y ambulance a bay un accidente na Boegoeroei, unda cu ambos persona lo a resulta herida. Polis a yega y ariba caminda e ta topa un Toyota Corolla y un Toyota Yaris. Na stuur di e Yaris tawata tin un cabayero di edad. Locual a sosode N'e sitio por a compronde cu e Yaris maneha p'e meneer di

edad lo a subi caminda for di banda di pariba y dal e Corolla, pues e lo no a mira e auto biniendo di zuid. Dos ambulance a wordo pidi, unda cu e chauffeur di Corolla a wordo controla n'e sitio mes, mien[1] tras e cabayero di edad pa siguridad a bay cu ne Spoedeisende Hulp pa haci un control mas extensivo. Polis di trafico a presenta n'e sitio pa asisti.




Problema entre pareha ariba caya

ORANJESTAD -- Diabierna anochi polis a bay den Dadelstraat na Dakota, unda cu dos persona tawata bringando y un lo tawata benta ariba suela. Na yegada di varios unidad di polis a resulta cu tawata trata di un problema entre un pareha. Tawata parce cu ambos lo por tawata bou influencia.

di e Paramedico, e dama a nenga asistencia medico y a cuminsa bira agresivo y a cuminsa grita. Polisnan a bay pa deten'e y el a bira mas furioso, bisando cu e tin famia polis. Transportwagen a yega

y polisnan a logra hink'e den e auto y hib'e warda di polis. Ambos persona, esta e homber y e muhe a keda deteni e momento ey. E vehiculo, un Honda a wordo cera y buta un banda di caminda.



KÒRSOU

Jerry Semper a renunsiá komo presidente di CHV

WILLEMSTAD--Jerry Semper ta renunsiá komo presidente di e asosashon di dòkter di kas, CHV. Den su karta di renunsiá, ku al a presentá fin di siman, e ta bisa ku sentimentu miksto, pero despues di un konsiderashon kuidadoso, e ta anunsio su renunsiá komo presidente.

Semper, kende tabata aktivo komo dòkter pa 30 aña, a kontribuí na fortalès e organisashon den e último

añanan komo presidente di e asosashon. Su dimishon ta resultado di diferente konsiderashon.

Den su karta, Semper ta enfatisá ku komo presidente, el a bira fuerte pa e interesnan di CHV i pa un partisipashon mas grandi den e sentro di dòkter di kas, HAP, ku ta operashonal desde 1 di yanüari. “Desafortunadamente mi no por a konvensé e aktual minister di e importansia

di nos organisashon y e partisipashon nesario.”

Semper ta kere firmemente den poder di CHV i ta konvensí ku e ta mas grandi i importante ku kualke puesto individual, inkluyendo esun di presidente. E ta mensioná ku su desishon pa renunsiá ta basá riba motibunanan personal.

Partisipashon

Segun Semper, e falta di partisipashon den HAP a kondusí na un fragmentashon preokupante den CHV, den kua e organisashon ta parse di ta pèrdiendo su posishon i influensia. E fragmentashon akí ta dañá no solamente e interesnan di e dòkternan di kas, pero tambe e unidat i fortalès di CHV.

Den e negosashonnan tokante partisipashon di dòkternan di kas den PAH, CHV a defendé

firmemente e maneho di PAH. Sinembargo, esaki no tabata apoyá pa e minister di salubridat, Javier Silvania.

E desishon final tabata ku PAH inogurá 1 di yanüari, ta kompletamente atministrá pa Gobièrnu i ku Gobièrnu a kontratá tur personal pa PAH. Esaki ta independiente di un akuerdo den e di dos mitar

di aña, den kua dòkternan di kas lokal tambe por ehikutá servisio den HAP.

Kada dòkter di kas individual mester tene un akuerdo pa su pashèntnan por usa PAH durante tur dia atardi i wikènt. Tin un grupo di dòkter di kas ku ta nenga di hasi esaki, loke a generá tenshon signifkativo.

T'Kayley Polonius Reina di Tumba Hubenil

WILLEMSTAD -- T'Kayley Polonius a resultá Reina di Tumba Hubenil 2024 ku e kansion 'Ban kuash'é riba e ruta'. Esaki a sosodé durante un festival vibrante djasabra anochi na Festival Center, kaminda diesdos talento hóben a kompetí pa e título ku kada un di nan presentashonnan impreshonante.

Mester mensioná tambe e orkesta di Tumba Hubenil pa su prestashon fantástiko. E músikonan hóben a traha huntu ku koleganan eksperensia, pa duna un orientashon ekselente na e partisipantenan.

E festival a presentá un seri di tumba ekselente, ku kual e organisashon Boldstarz a logra konkretisá su proyekto eksitoso e aña akí.

Ademas di e viktoria di T'Kayley Polonius, tabatin otro premio. Tiarah Giterson a risibí e premio di insentivo, Luichayden Jansen a gana e premionan pa disciplina, popularidat, mihó areglo i komposishon.

E premio pa e mihó bos, a bai pa e ganadó T'Kayley Polonius, miéntras Hershel Rosario i Ravello Antoin, tabatin e mihó areglo. Aaliyah Lourens a resultá e mihó kantante.

E premionan pa e tumba mas original i pa e mihó komposishon, tambe a bai pa Luichayden Jansen. Aaliyah Lourens a bira e di 3 finalista, sigui pa Luichayden Jansen komo di segundo finalista i Jean Max Rondei komo di promé finalista.



Corendon parti durante bolsa di fakansi na Utrecht

WILLEMSTAD -- Di 11 te ku 14 di yanüari a tuma lugá na bolsa anual di fakansi na Utrecht. Ta e enkuentro mas grandi na Hulanda di kompanianan aéreo, operadó di tour, organisashonnan di biahe i gigantenan di hotèl.

Mas o ménos 70 mil amante di biahe a bishitá e bolsa. Entre e mas di mil ekspositornan di

tur parti di mundu, tabata presente tambe Corendon Kòrsou.

Atilay Uslu, Biray Ogut, Ashari Mendes-Neves i Caroline Hartel, a biaha pa Utrecht pa partisipá na e gran evento na nòmber di Corendon Kòrsou. Nan a representá Corendon Mangrove Beach Resort Curaçao, The Rif at Mangrove Beach Curaçao,

Livingstone Resort Curaçao i Corendon/The Ritz.

Riba e promé dia, Corendon a hasi bon negoshi. E pronóstiko pa 2024 ta hopi bon, asina Atilay Uslu a ekspresá.

Ta prometé pa bira un bon aña. E interes pa e hotèlnan di Corendon na Kòrsou ta enorme, asina CEO di Corendon a bisa.



DEPORTE

Jafet i Ayrton ta biaha e siman akí


KRALENDIJK -- E Ayrton Cicilia lo biaha e hóbennan Jafet Vlijt i siman aki pa Hulanda pa



sigui aya na Hulanda ku nan preparashonnan mas avansá den futbòl.

E hóbennan futbolista aki a hasi nan tryout aya na Hulanda i logra esaki ku éksito, lagando atras hopi bista riba nan di e “coach”nan hulandes oropeo. Aworakí nan ta pendiente pa biaha e siman aki, mui probabel fin di siman benidero pa Hulanda pa sigui ku nan karera den e deporte di futbòl aya na Hulanda.

Jafet ta bai pa Spartaan 20 i Ayrton pa Zeeburgia. Nan ta preparando pa biaha mui probabel fin di siman benidero si tur kos bai segun plan. Despues nos lo bini ku mas informashon.



Amado Vrieswijk coach di Sur Korea

KRALENDIJK -- Amado Vrieswijk lo no ta presente komo winturfista na e kampionato mundial IQ Foil di Lanzarote aki dos siman. Vrieswijk, kende ta bini di Boneiru ta na Spaña, pero komo entrenadó di e selekshon di windsurf di Sur Korea.

De echo, e por a yega e kampionato mundial ofisial na Spaña den dos siman komo winturfista. For di 26 di yanüari te ku 2 di febrüari, e kampionato mundial IQ Foil ta tuma

lugá na Lanzarote. Durante e evento akí, ta selekshoná e mihó winturfista Hulandes pa kompetí den Weganan Olímpiko e próksimo zomer na Paris.

Vrieswijk di Boneiru no ta partisipá ku nos. E temporada pasa el a disidí di no partisipá na Weganan Olímpiko. Sorprendentemente e ta presente, no komo winturfista, sino komo entrenadó.

Na april 2023, Vrieswijk a publiká riba Facebook:

“Disiplina olímpiko ta posibel pa esnan ku ta entrená den un ekipo nashonal i por probechá di e bentaha di un bon sistema di sosten. Mi a duna tur kos, pero mi presupuesto no ta permití mi mas.” El a pone un fin abrupto na e kampaña olímpiko pa e mihó winturfista di Boneiru.

Asina Vrieswijk lo no partisipá den e mundial di IQ Foil akí dos siman, loke ta remarkabel. Algun luna pasá el a gana un

otro medaya den un tipo di disciplina similar. Na e mundial di slalom na Hapon, e Boneriano a gana e plata. Un resultado bunita, ku no ta muchu inferior na e klase olímpiko di IQ Foil.

Vrieswijk lo no entregá. Weganan Olímpiko di 2028 no a disparsé for di mente di e mihó winturfista. Pa awor, e ta enfoká riba PWA, un kampionato kaminda bo por logra hopi prestigio.

Ademas, Vrieswijk lo enfoká riba entrenamentu

di otro winturfistanan. E lo debutá aki dos siman. Na Lanzarote, e ta entrená e delegashon Sur Koreano.

“Vrieswijk: “Sur Korea a aserká mi sí mi ke entrená winturfistanan den e mundial di dos siman despues na Lanzarote. Mi ta bai e weganan ku nan, mi no sa ainda, pa awor mi propio karera ta primordial. Mi ke bira kampion di mundu di slalom e aña benidero.”

(Fuente: Bonaire.nu)



Gezaghèber Oleana ta relahá

KRALENDIJK -- Un reportero di BONERIANO a mira Gezaghèber Nolly Oleana den un momentu di relahá. E tabata pafó di e

gremio di trabou, loke sigur ta nesesario pa un persona ku ta okupá un posishon asina haltu.

Ta konosí ku último

dianan situashon polítiko na Boneiru no ta masha di kanta makamba. Tin poko guera ta sirkulá, i esei ta pone ku komo gezaghèber

bo tin responsabilidat pa atendé kuné.

Pues sierto momentu ta bon pa bula fó, kue poko airu fresku pa kontinuá. E


tabata den dushi ambiente ku esposa i konosinan e anochi.



CS55 PLUS + innovative



+ Voice Command



+ 540° Camera View



+ Panoramic Sunroof

special price
\$25,995

CHANGAN AUTO

dabboussi

SERVICE & PARTS
GUARANTEED

+

5 YEAR
WARRANTY

/dabboussimotors

701.6463